

CONVENIO DE COLABORACIÓN ENTRE A AXENCIA GALEGA DE INNOVACIÓN E A ASOCIACIÓN CLÚSTER SAÚDE DE GALICIA PARA A IMPLEMENTACIÓN DUN PLAN DE ACTIVIDADES PARA IMPULSAR A INNOVACIÓN E A TRANSFERENCIA NO TECIDO EMPRESARIAL GALEGO DO SECTOR SAÚDE NO PERÍODO 2023-2025

REUNIDOS

Dunha parte, Dona María Jesús Lorenzana Somoza, conselleira de Economía, Industria e Innovación da Xunta de Galicia, nomeada para este cargo polo Decreto 67/2023, do 14 de xuño de 2023 (DOG núm. 113 do 15.06.2023), actuando no exercicio das competencias que ten atribuídas polo artigo 34 da Lei 1/1983, do 22 de febreiro, reguladora da Xunta de Galicia e da súa presidencia (DOG núm. 23 do 21.03.1983), modificada polas leis 11/1988, do 20 de outubro; 12/1989, do 4 de outubro; 7/2002, do 27 de decembro; 2/2007, do 28 de marzo; 12/2007, do 27 de xullo; e 10/2015, do 31 de agosto; e presidenta da Axencia Galega de Innovación (en diante GAIN), en virtude do disposto no artigo 12 do Decreto 50/2012, do 12 de xaneiro, polo que se crea a Axencia Galega de Innovación e se aproban os seus estatutos.

Doutra parte, Dona María Rocío Mosquera Álvarez, na súa condición de presidenta do Clúster Saúde de Galicia (en adiante CSG) con NIF G70308143 e sede na Avda. Fernando de Casas Novoa, núm. 37, edificio CNL, Portal A-B, 1º andar, San Lázaro, 15707 Santiago de Compostela (A Coruña), actuando en representación desta en uso das atribucións que lle confire o artigo 12 dos Estatutos desta entidade e en virtude da aceptación do cargo de presidenta da data 29.06.2023.

Interveñen en función dos seus respectivos cargos no exercicio das funcións que, para convir en nome das entidades que representan, teñen conferidas e

EXPOÑEN

PRIMEIRO.-



Que son obxectivos da Xunta de Galicia en xeral, e de GAIN en particular, incrementar a competitividade do tecido produtivo galego a través do coñecemento e a innovación, establecendo como unha das súas prioridades a difusión da transferencia de tecnoloxía e a mellora da cultura de I+D+i como clave para o crecemento e o desenvolvemento socioeconómico de Galicia.

SEGUNDO.-

Que GAIN é unha axencia pública autonómica encadrada nas entidades instrumentais do sector público autonómico reguladas no título III da Lei 16/2010, do 17 de decembro, de organización e funcionamento da Administración xeral do sector público autonómico, tal e como se recolle no Decreto 50/2012, do 12 de xaneiro, polo que se crea a Axencia Galega de Innovación e se aproban os seus estatutos (modificado polo Decreto 15/2014, de 6 de febreiro; o Decreto 64/2016, do 26 de maio, o Decreto 125/2016, do 1 de setembro; o Decreto 85/2019, do 4 de xullo; o Decreto 105/2021, do 1 de xullo; e o Decreto 225/2022, do 29 de decembro). Encóntrase adscrita á Consellería de Economía, Industria e Innovación e conta con personalidade xurídica propia diferenciada respecto da Administración Xeral da Comunidade Autónoma de Galicia, patrimonio e tesourería propios e autonomía de xestión nos termos que precisen as leis.

GAIN ten como finalidade fomentar e vertebrar as políticas de innovación nas administracións públicas galegas e o apoio e impulso do crecemento e da competitividade das empresas de Galicia, a través da implementación de estratexias e programas de innovación eficientes. Os seus estatutos atribúenlle, entre outras, as seguintes funcións: a ordenación, planificación, coordinación, execución e seguimento das competencias en materia de fomento da investigación que ten atribuídas a Comunidade Autónoma de Galicia en virtude do establecido no artigo 27.19º do Estatuto de autonomía de Galicia e a promoción, xestión e execución do Plan Galego de Investigación, Desenvolvemento e Innovación Tecnolóxica, asumindo a súa coordinación, seguimento e avaliación.

TERCEIRO.-

Que a entidade CSG, constituída ao amparo da Lei Orgánica 1/2002, do 22 de marzo, reguladora do dereito de asociación, é unha asociación sen ánimo de lucro de ámbito territorial na



Comunidade autónoma de Galicia, dotada con personalidade xurídica propia e plena capacidade de obrar de acordo coa lexislación vixente sobre asociacións (Núm. 2011/015855 – Sección 1 do Rexistro Central de Asociacións) .

Segundo o artigo 5 dos seus estatutos, CSG ten como fin principal *“dinamizar a competitividade de Galicia, contribuíndo ao desenvolvemento económico e social da comunidade autónoma, a través da cooperación entre todas as institucións e empresas públicas e privadas relacionadas coa saúde e a sanidade, impulsando a excelencia empresarial no sector, agrupando a empresas, centros de investigación, entidades e institucións, para ofrecer novas oportunidades de servizos para os usuarios, tras a adquisición dun alto nivel de competitividade empresarial mediante a realización de proxectos de carácter innovador”*.

Ten ademais entre os seus obxectivos:

- Incrementar a capacidade de investigación, desenvolvemento e innovación da comunidade autónoma, promovendo un novo esquema industrial que facilite o desenvolvemento de produtos e servizos e a experiencia clínica.
- Consolidar as relacións existentes e crear novos vínculos entre os diferentes actores (administración, empresas e centros xeradores de coñecemento) como verdadeiro pulo á innovación.
- Incrementar a actividade nas empresas do sector.
- Crear unha contorna favorable para o desenvolvemento de empresas e atraer novas organizacións e institucións.
- Atraer, reter e fomentar a interacción do coñecemento e dos mellores profesionais do sector socio-sanitario e da saúde ao contorno galego.
- Contribuír á creación de riqueza, garantindo a sostibilidade do sistema socio-sanitario.
- Acceder a novos sectores e mercados xeográficos.
- Estructurar a cadea de valor sectorial en Galicia.



- Innovar e desenvolver novos servizos que melloren a calidade, o benestar e a seguridade na contorna dos servizos sociais.

De acordo cos obxectivos expostos, CSG configúrase coma unha plataforma profesional de colaboración público-privada e cooperación, que actúa como catalizador do sector sanitario e social das industrias do coidado, contribuíndo decisivamente ao desenvolvemento económico e social da rexión de Galicia. Sendo un dos seus obxectivos claves o desenvolvemento e a internacionalización da innovación na saúde e en sectores de atención social.

A entidade representa a 6 grupos de CNAES do sector saúde: sanidade, educación, actividades profesionais, comercio, comunicacións e servizos auxiliares. Dentro destes, os seus membros agrúpanse en catro áreas, correspondentes ás súas cadeas de valor: asistencia, calidade de vida, coñecemento e estrutura (hardware e software). E inclúense entre eles, asociacións de pacientes, emprendedores, startups, pemes, multinacionais, así como universidades, centros tecnolóxicos, fundacións biomédicas, asociacións de pacientes/usuarios e colexios profesionais dos sectores da saúde e socio-sanitario.

CSG foi impulsada no ano 2011 por 15 entidades fundadoras e actualmente conta con máis de 90 membros, que representan máis do 7% do PIB da rexión e con actividade en máis de 100 países. Dende a súa fundación, CSG incrementou por 10 o financiamento anual; apoiou 60 proxectos a nivel rexional, nacional e internacional; participou como socio experto en 5 proxectos europeos (programas Interreg, POCTEP, Interreg Atlantic e H2020, Horizon Europe); e firmou varios convenios de colaboración, que lle permitiron triplicar a súa estrutura interna e multiplicar por seis o seu número de socios. Estes datos convirten a CSG no clúster máis representativa do sector da saúde en Galicia.

CSG desenvolve un modelo baseado na excelencia clínica, a I+D+i, a transformación dixital e o desenvolvemento de produtos de base tecnolóxica cuxo fin sexa o benestar da persoa.

CUARTO.-

Que a Lei 5/2013, do 30 de maio, de fomento da investigación científica e a innovación de Galicia, ten por obxecto establecer o marco para o fomento da investigación e do desenvolvemento tecnolóxico, da transferencia e valorización de resultados e da innovación en Galicia en todas as súas vertentes, así como da súa xestión eficiente. Esta lei, no seu capítulo III,



establece que o Plan Galego de Investigación e Innovación é o instrumento fundamental de planificación e coordinación das políticas en materia de investigación, transferencia, valorización e innovación en Galicia e confírelle no seu artigo 15.5 a consideración de plan estratéxico de subvencións, para os efectos do establecido no artigo 5 da Lei 9/2007, do 13 de xuño, de subvencións de Galicia.

O 8 de abril de 2022, o Consello da Xunta de Galicia adoptou o acordo mediante o cal se aprobou a Estratexia de especialización intelixente (RIS3) de Galicia 2021-2027, que define o marco para as políticas de investigación e innovación na comunidade autónoma para este período, así como o Plan de investigación e innovación de Galicia 2022-2024, que concreta desde un punto de vista operativo este marco estratéxico.

A RIS3 supuxo unha aposta sen precedentes polo sector da biotecnoloxía, polo seu papel destacado e esencial no desenvolvemento dos sectores estratéxicos para a comunidade, como o agromar-alimentario e a saúde.

No seu período 2021-2017, a RIS3 aborda a través da I+D+i tres grandes retos da economía e da sociedade galega. Para darlles resposta, a estratexia orienta as capacidades e os esforzos de investigación e innovación en Galicia, por unha banda, cara a tres prioridades temáticas transversais, e pola outra, reforza e impulsa o ecosistema galego de innovación a través de cinco obxectivos estratéxicos, arredor dos cales articula os instrumentos e actuacións que se desenvolverán integrados nos correspondentes programas. Estes instrumentos poden dirixirse a prioridades e ámbitos de priorización concretos ou ser horizontais en relación cos retos e prioridades.

Neste contexto, o terceiro reto da RIS3 consiste en desenvolver un modelo de vida saudable e de envellecemento activo da poboación, aproveitando o coñecemento, a tecnoloxía e a innovación. En relación con este reto, a prioridade 3 (enfoque cara ás persoas) busca orientar os esforzos de I+D+i cara ás necesidades das persoas, incluíndo a medicina de prevención, rexenerativa e de precisión, así como a economía dos coidados.

Os instrumentos, apoios e actuacións que se desenvolven no marco da RIS3 en relación con cada obxectivo estratéxico recóllense nos correspondentes programas. O obxectivo estratéxico 3 busca completar e consolidar as cadeas de valor, ao tempo que o obxectivo estratéxico 5



impulsa a marca Galicia no ámbito da I+D+i como un activo que permite posicionar a Galicia no mundo e apancar investimento externo.

O presente convenio enmárcase na RIS3 respondendo ao reto 3 a través da prioridade 3. Ten como obxectivos estratéxicos avanzar na configuración dun ecosistema máis integrado e impulsar a presenza internacional de Galicia neste ámbito, integrándose polo tanto no programa Completa e transfire, así como no programa Posiciona.

QUINTO.-

Que en 2016 a Xunta de Galicia puxo en marcha a primeira estratexia para o impulso da biotecnoloxía en Galicia, a cal sentou as bases da actual Estratexia de Consolidación da Biotecnoloxía para o período 2021-2025. Este documento táctico asume a misión de situar a Galicia como polo de referencia en biotecnoloxía fixando as liñas de actuación ata o horizonte do ano 2025 cos seguintes obxectivos: incrementar nun 50% o número de empresas do sector biotecnolóxico de Galicia (máis de 63 empresas), aumentar nun 50% a facturación global do sector (máis de 220 millóns de euros), incrementar nun 25% o emprego do persoal cualificado en biotecnoloxía (máis de 500 persoas empregadas), ampliar nun 45% o gasto en I+D+i en biotecnoloxía (máis de 45 millóns de euros), incrementar nun 20% o número de investigadores (máis de 250 investigadores), aumentar nun 300% o capital do investimento privado (máis de 30 millóns de euros) e afianzar a hibridación sectorial mediante o desenvolvemento de 40 proxectos de I+D+i. A finalidade última é promover o uso e a aplicación da biotecnoloxía en todos os sectores económicos e fomentar un ecosistema colaborativo que favoreza o emprendemento, o crecemento e a atracción de empresas cara a Galicia.

Tanto a Estratexia de Impulso como a de Consolidación, definen unha serie de subsectores prioritarios: o aproveitamento dos recursos mariños e pesqueiros, a alimentación funcional e o envellecemento activo, os novos produtos e procesos para o sector lácteo, as novas tecnoloxías para o medicamento personalizado, a eficiencia na sanidade animal e derivados e a innovación aberta para o descubrimento de fármacos, aos que se suman como subsector transversal ou das tecnoloxías facilitadoras: tics e bioinformática, química biolóxica, xenética, bioenxeñería e tecnoloxías ambientais.



SEXTO.-

Que co desenvolvemento da Axenda de Competitividade Industrial Galicia Industria 4.0, aprobada polo Consello da Xunta de Galicia en 2015, e renovada cun novo Plan de impulso á transformación dixital en 2019, a Xunta de Galicia aspira a modernizar a industria galega a través da innovación, establecendo novas fórmulas de produción que melloren a súa competitividade, e impulsando a fabricación de produtos diferenciados e de calidade. Esta axenda ten unha clara orientación sectorial co obxectivo, tanto de reforzar sectores estratéxicos da economía galega –agroalimentario, automoción, naval, forestal ou téxtil-, como de impulsar outros emerxentes e de maior valor engadido, como o aeronáutico, o biotecnolóxico ou as TIC.

As agrupacións empresariais innovadoras son estruturas organizadas entre diversos actores económicos concibidos para estimular actividades innovadoras e novas formas de colaboración, así coma para o intercambio e transferencia de coñecementos, a creación de redes, a difusión de información e a colaboración entre as empresas e outras organizacións.

SÉTIMO.-

Que CSG responde á definición de agrupación empresarial innovadora -ou clúster- establecida no artigo 2 do Regulamento (UE) 651/2014 da Comisión, do 17 de xuño de 2014, polo que se declaran determinadas categorías de axudas compatibles co mercado interior, no sentido de que persegue a cooperación entre diversas institucións e empresas públicas e privadas relacionadas co sector da saúde e a sanidade en Galicia, estimulando a posta en marcha de actividades innovadoras e de novas formas de colaboración, así como o intercambio de coñecementos e a contribución efectiva á transferencia destes á industria da saúde.

Ao mesmo tempo, CSG, de acordo co artigo 1 e 2 do anexo I do devandito regulamento europeo, cumpre cos requisitos de efectivos e límites financeiros establecidos para estar considerada coma unha empresa da categoría de peme, ao ser unha asociación que exerce, de forma regular, unha actividade económica ofertada a partir dun catálogo cos seguintes servizos: servizo base de representación e consulta, servizo Kit Saúde +, servizos de internacionalización e servizos de asesoramento específico.



OITAVO.-

Que o plan de colaboración proposto pola CSG para os anos 2023, 2024 e 2025 configúrase como axeitado para contribuír a acadar o concreto interese da Xunta de Galicia na promoción da biotecnoloxía no eido sanitario e da saúde e, consecuentemente, como medida idónea para complementar as actuacións que GAIN está implementando para apuntalar os avances alcanzados no sector biotecnolóxico empresarial galego. Todo isto en liña cos obxectivos e actuacións da Estratexia de Consolidación da Biotecnoloxía e coa Estratexia de Especialización Intelixente (RIS3) de Galicia 2021-2027.

NOVENO.-

Que a Consellería de Economía, Industria e Innovación, a través de GAIN, e CSG consideran que estes convenios de colaboración son un instrumento eficaz de financiamento para a promoción da I+D+i de excelencia en Galicia, xa que promove e incentiva o esforzo na obtención de resultados de calidade.

Dada a especificidade do obxecto do convenio non procede a realización dunha convocatoria pública para o desenvolvemento das actuacións deste, debido ás especiais características e singularidade de CSG, na súa condición de entidade integradora dos intereses do sector sanitario e da saúde en Galicia.

Por todo o anterior, a subscrición do presente convenio de colaboración representa o instrumento adecuado de apoio aos obxectivos estratéxicos do sector e de interese xeral pretendidos polas partes asinantes, circunstancia que determina a dificultade de promover a concorrência pública, aos efectos do establecido no artigo 15.2 da Lei 1/2016, do 18 de xaneiro, de transparencia e bo goberno, nos artigos 19 e 26 da Lei 9/2007, do 13 de xuño, de subvencións de Galicia e no artigo 40 do Decreto 11/2009, do 8 de xaneiro, polo que se aproba o regulamento da citada Lei.

Con estes fins as partes acordan subscribir o presente convenio segundo as seguintes,



C L A Ú S U L A S

PRIMEIRA.- Obxecto.

O presente convenio ten como obxecto determinar o marco de colaboración entre GAIN e CSG para a realización e execución de actuacións que impulsen o papel do sector biotecnolóxico empresarial galego no eido sanitario e da saúde , así como da súa cadea de valor (universidades, centros, empresas, startups...). Deste xeito, búscase seguir potenciando o desenvolvemento da biotecnoloxía, como Tecnoloxía Facilitadora Esencial (TFE), e o apoio aos diversos sectores produtivos de Galicia, favorecendo neste caso, en concreto, o negocio do sector sanitario e da saúde.

As actuacións a desenvolver ao amparo do presente convenio detállanse no Anexo I do presente convenio, e estarán destinadas a:

- Actuación 1: potenciar a capacidade de innovación do clúster e os servizos innovadores que presta aos seus asociados e ao conxunto do ecosistema biotech de Galicia. Dita accións consta de 4 actividades principais cos obxectivos seguintes:
 - Acción 1.1. Acreditación do clúster como Agrupación Empresarial Innovadora estatal recoñecida polo Ministerio de Comercio, Turismo e Industria.
 - Acción 1.2. Novos servizos orientados a mellorar o posicionamento internacional da biorexión enfocados á identificación e adopción, a través de formación e investigación de mercados e tecnoloxías, de mellores prácticas en transferencia e cooperación público-privada.
 - Acción 1.3. Servizos innovadores para financiar actuacións de demostración e innovación, especialmente entre pemes e investigadores para fomentar a transferencia.
 - Acción 1.4. Servizo de validación de produtos e servizos nos Living Labs de Galicia.
- Actividade 2: reforzo do rol do CSG na dinamización e seguimento do subsector biotecnolóxico aplicado a saúde. Dita actuación consta de 3 accións principais cos obxectivos seguintes:



- Acción 2.1. Accións e campañas de comunicación e difusión das capacidades dos axentes biotech-saúde, así como as oportunidades de transferencia e colaboración entre estes.
- Acción 2.2. Participación no seguimento da Estratexia de Consolidación da Biotecnoloxía en Galicia.
- Acción 2.3. Promoción do clúster e a difusión das capacidades bio de Galicia en foros e eventos de relevancia nacional e internacional.

SEGUNDA.- Financiamento

As actividades obxecto do presente convenio teñen un custo estimado de 290.100,00 €, para o que GAIN, concede unha subvención a fondo perdido de 228.000,00 €.

GAIN financiará as actuacións con cargo á aplicación orzamentaria 05.A2.561A.781.0 (código de proxecto 2019-00001) dos orzamentos da Comunidade Autónoma de Galicia para os anos 2023, 2024 e 2025, nos cales existe crédito adecuado e suficiente, de acordo coa seguinte distribución:

	ANO 2023	ANO 2024	ANO 2025	Total
Orzamento total	40.200,00 €	99.900,00 €	150.000,00 €	290.100,00 €
Axuda GAIN total	32.350,00 €	75.000,00 €	120.650,00 €	228.000,00 €

A modificación da distribución inicialmente aprobada rexerase segundo o previsto no artigo 26.3 do Decreto 11/2009, do 8 de xaneiro, polo que se aproba o Regulamento da Lei 9/2007, do 13 de xuño, de subvencións de Galicia. Así mesmo, de ser o caso, o reaxuste de anualidades farase de acordo co preceptuado no artigo 27 do mesmo corpo legal.

TERCEIRA.- Gastos subvencionables e intensidade das axudas

1. De acordo co previsto no artigo 29 da Lei 9/2007, do 13 de xuño, de subvencións de Galicia, consideraranse subvencionables os gastos que, sen admitir dúbida, respondan á natureza da



actividade subvencionada de acordo coa previsión de orzamento recollido no anexo II e que se realicen no período comprendido entre a data da sinatura e a data límite de xustificación da axuda establecida no convenio. En ningún caso o custo de adquisición dos gastos subvencionables poderá ser superior ao valor de mercado.

En ningún caso se considerarán gastos subvencionables, os impostos indirectos cando sexan susceptibles de recuperación ou compensación nin os impostos persoais sobre a renda. O imposto sobre o valor engadido (IVE) poderase considerar gasto subvencionable cando a entidade beneficiaria acredite mediante a correspondente certificación que se encontra acollida ao réxime de exención, parcial ou total, do IVE.

2. A contía máxima da axuda que pode ser concedida a CSG determinarase sobre o investimento total que se subvenciona e será conforme cos límites de intensidade previstos nos artigos 27 e 28 do Regulamento (UE) núm. 651/2014, da Comisión, do 17 de xuño de 2014, polo que se declaran determinadas categorías de axudas compatibles co mercado interior (DOUE núm. 187 do 26.06.2014), tendo en conta o seguinte:

- i. Nas accións relativas á actuación 1 do Anexo I, serán subvencionables os custos de servizos externos para o asesoramento e apoio en materia de innovación, de conformidade ao artigo 28.4 do Regulamento (UE) núm. 651/2014, e cunha intensidade máxima do 100%, sempre no caso de que a entidade non recibise, ou teña en execución, axudas para servizos de asesoramento e apoio en materia de innovación superiores a 220.000,00 € nos últimos tres anos naturais (incluído o ano da presente convocatoria). No caso de superarse o límite antes citado, a intensidade de axuda estará limitada ao 50 % dos custos subvencionables para estes servizos.

A estes efectos, entenderanse estes servizos de conformidade coas definicións do artigo 2 do regulamento (UE) núm. 651/2014 seguintes:

- Custos de servizos de asesoramento en materia de innovación: consultoría, asistencia e formación nos ámbitos da transferencia de coñecemento, a adquisición, protección e explotación de activos inmateriais, e o uso de normas e regulamentos que os incorporan, así como a consultoría, a asistencia ou a formación sobre a introdución ou a utilización de tecnoloxías e solucións innovadoras (incluídas as tecnoloxías e as solucións dixitais);.



- Custos de servizos de apoio en materia de innovación: o subministro ou accesos a bases de datos e servizos de almacenamento de datos, bibliotecas, estudo de investigación de mercados, laboratorios, etiquetaxe de calidade, ensaio, experimentación e certificación ou outros servizos relacionados – incluídos os servizos prestados por organizacións de difusión de investigación e coñecementos, infraestruturas de investigación e infraestruturas de ensaio e experimentación ou outras agrupacións empresariais innovadoras distintas do CSG, co fin de desenvolver produtos, procesos ou servizos máis eficaces ou tecnoloxicamente avanzados, incluída a aplicación de tecnoloxías e solucións innovadoras (incluídas as tecnoloxías e as solucións dixitais).
- ii. Nas accións relativas á actuación 2 do Anexo I, serán subvencionables os custos de persoal e custos administrativos (servizos, subcontratación e gastos xerais, entendidos estes coma os custos indirectos) relativos ao funcionamento da agrupación empresarial innovadora, de conformidade ao artigo 27.8 do Regulamento (UE) núm. 651/2014, e cunha intensidade máxima do 50%, para levar a cabo a actividade da agrupación relativas a:
- facilitar a colaboración, o intercambio de información e a prestación ou a canalización de servizos especializados e personalizados de apoio ás empresas,
 - a comercialización da agrupación para aumentar a participación de novas empresas u organizacións e reforzar a visibilidade,
 - a xestión das instalacións da agrupación, a organización de programas de formación, talleres e conferencias para fomentar o intercambio de coñecementos e o traballo en redes, así como a cooperación transnacional.

3. Os custos indirectos son aqueles que non están vinculados ou non poden vincularse directamente coa actividade subvencionada por ter carácter estrutural, pero resultan necesarios para a súa realización, nos que se inclúen os gastos administrativos (tales como xestión administrativa e contable), gastos de supervisión e control de calidade, subministracións (tales como auga, electricidade, calefacción e teléfono), seguros, seguridade ou gastos de limpeza. O custo imputable por este concepto será o importe resultante de aplicar unha porcentaxe do 20% dos custos directos.

Detalle orzamentario por conceptos:



CUSTOS	ANO 2023	ANO 2024	ANO 2025	Total
Actuación 1, custos relativos a servizos externos para o asesoramento e o apoio en materia de innovación	24.500,00	50.100,00	91.300,00	165.900,00
<i>100 % Axuda dos custos da actuación 1</i>	<i>24.500,00</i>	<i>50.100,00</i>	<i>91.300,00</i>	<i>165.900,00</i>
Actuación 2., custos relativos ao funcionamento do clúster	9.000,00	33.150,00	33.700,00	75.850,00
Servizos e subcontratación	-	15.000,00	18.000,00	33.000,00
Persoal	9.000,00	18.150,00	15.700,00	42.850,00
<i>50% Axuda dos custos da actuación 2</i>	<i>4.500,00</i>	<i>16.575,00</i>	<i>16.850,00</i>	<i>37.925,00</i>
Subtotal custos directos	33.500,00	83.250,00	125.000,00	241.750,00
Gastos Indirectos (20% dos custos directos)	6.700,00	16.650,00	25.000,00	48.350,00
<i>50% axuda de custos indirectos</i>	<i>3.350,00</i>	<i>8.325,00</i>	<i>12.500,00</i>	<i>24.175,00</i>

4. Atendendo ao establecido no artigo 27 da Lei 9/2007, de 13 de xuño, de subvencións de Galicia, CSG poderá subcontratar o 100% dos gastos considerados de funcionamento da agrupación subvencionados ao abeiro do presente convenio. A contratación con terceiros dos servizos de asesoramento e apoio en materia de innovación non se considera, en ningún caso, subcontratación por ser servizos de apoio nos que ten que incorrer o beneficiario para a realización por si mesmo da actividade subvencionada.

Respectando os límites establecidos no punto 7 do artigo 27 da Lei 9/2007, do 13 de xuño, de subvencións de Galicia, e o artigo 43 do Decreto 11/2009, de 8 de xaneiro, polo que se aproba o



regulamento do citado texto legal, en ningún caso poderá concertar o beneficiario a execución total ou parcial das actividades subvencionadas con:

- a) Persoas ou entidades incursas nalguna das prohibicións do artigo 10 desta lei.
- b) Persoas ou entidades que percibisen outras subvencións para a realización da actividade obxecto de contratación.
- c) Intermediarios ou asesores nos que os pagamentos se definan como unha porcentaxe de custo total da operación, agás que o dito pagamento estea xustificado con referencia ao valor de mercado do traballo realizado ou dous servizos prestados.
- d) Persoas ou entidades vinculadas co beneficiario, segundo o establecido na Lei 9/2007, do 13 de xuño, de subvencións de Galicia.

Así mesmo, ou artigo 27.3 da citada Lei 9/2007 establece que cando a actividade concertada con terceiros exceda do 20% do importe da subvención e o dito importe sexa superior a 60.000 €, a subcontratación estará sometida ao cumprimento dos seguintes requisitos:

- Que o contrato se subscriba por escrito.
- Que a súa subscrición a autorice previamente, a entidade concedente da subvención, por escrito.

5. No caso de adquisición de bens de equipo, ou a contratación de servizos ou subministracións e materiais, cando o importe do gasto subvencionable iguale ou supere os 15.000 euros no global do proxecto para un mesmo provedor, deberán achegarse un mínimo de tres ofertas de diferentes provedores, con carácter previo á contratación do compromiso para a prestación do servizo ou a entrega do ben, agás que polas súas especiais características dos gastos non exista no mercado suficiente número de entidades que os presten ou subministren. Estas excepcións deberán xustificarse. A elección entre as ofertas presentadas realizarase de conformidade con criterios de eficacia e economía, e achegarase unha memoria xustificativa cando a elección non recaia na proposta económica máis vantaxosa.

6. En todo caso, de acordo co artigo 43.3 do Decreto 11/2009, do 8 de xaneiro, polo que se aproba o Regulamento da Lei 9/2007, do 13 de xuño, de subvencións de Galicia, GAIN poderá comprobar, dentro do período de prescrición, o custo así como o valor de mercado das actividades subcontratadas.



7. Procederá a revogación das subvencións, así como ao reintegro total ou parcial das cantidades percibidas e a esixencia de xuros de mora nos casos e termos previstos nos artigos 32 a 40 (capítulos I e II do Título II) da Lei 9/2007, de 13 de xuño, de subvencións de Galicia.

CUARTA.– Compromisos, publicidade e autorizacións

1. CSG comprométese a:

- Presentar previamente á sinatura do convenio:

- Declaración responsable de que cumpre coa condición de peme de acordo coas especificacións do artigo 2 do Anexo I do Regulamento (UE) nº 651/2014 na data da sinatura e que notificará calquera cambio que modifícase a súa inclusión dentro desta categoría.
- Documento acreditativo da inscrición dos estatutos, así como das súas diferentes modificacións no rexistro administrativo correspondente.
- Certificación do representante legal da entidade na que conste a identificación dos seus directivos, así como a data do seu nomeamento e modo de elección.
- Certificacións que acrediten que se atopa ao corrente das súas obrigas tributarias e fronte á Seguridade Social e que non ten pendente de pagamento ningunha outra débeda coa Administración Pública da Comunidade Autónoma, en cumprimento do artigo 11.e) da Lei 9/2007, de 13 de xuño, de subvencións de Galicia.
- Declaración responsable de non estar incurso en ningunha das prohibicións para a obtención de subvencións contempladas no artigo 10 da Lei 9/2007, de 13 de xuño, de subvencións de Galicia.
- Declaración responsable de que non ten a consideración de empresa en crise conforme o disposto no artigo 2.18 do Regulamento (UE) 651/2014, do 17 de xuño, da Comisión.
- Declaración responsable de que non está suxeita a unha orde de recuperación pendente tras unha decisión previa da Comisión que tivese declarado unha axuda ilegal e incompatible co mercado común.



- Desenvolver as actividades do convenio seguindo as liñas de actuación establecidas no anexo I.
- Manter un sistema de contabilidade separado ou un código contable adecuado que facilite unha pista de auditoría apropiada en relación con todos os gastos correspondentes cos investimentos realizados ao abeiro desta resolución, e conservar a documentación xustificativa relativa a esta subvención durante un prazo de cinco anos, contados a partir do ano en que rematan as actividades obxecto da axuda.
- Facilitar toda a información que lle sexa requirida pola Intervención Xeral da Comunidade Autónoma, o Tribunal de Contas e o Consello de Contas, no exercicio das súas respectivas funcións de fiscalización e control de destino das axudas concedidas e facilitará a inspección e control dos órganos de GAIN co fin de supervisar o cumprimento das actividades do convenio.
- Comunicar a GAIN a obtención de subvencións e axudas para a mesma finalidade que a do presente convenio, procedentes de calquera outra Administración Pública ou de entes públicos ou privados, nacionais ou internacionais, tan pronto se teña coñecemento das mesmas.
- Subministrar toda a información necesaria para que GAIN poida dar cumprimento ás obrigas recollidas na Lei 1/2016, do 18 de xaneiro, de transparencia e bo goberno. No caso de que o beneficiario non atenda ao requirimento de información en prazo, procederase conforme ao establecido no artigo 4.4 do citado texto legal.
- Facilitar cantos datos resulten necesarios para a valoración do convenio no marco da avaliación da RIS3 Galicia ou doutros mecanismos de seguimento.
- Seguir as normas sobre protección de datos, concretamente a Lei orgánica 15/1999, de 13 de decembro, de protección de datos de carácter persoal e as normas que a desenvolven.
- Cumprir co disposto no artigo 11 da Lei 9/2007, do 13 de xuño, de subvencións de Galicia.
- Achegar os informes e documentos que acrediten o desenvolvemento das actividades do presente convenio, así como os informes e demais documentos requiridos por GAIN.
- Proceder ao reintegro, total ou parcial, dos fondos percibidos e máis os xuros de mora devindicados dende o momento do pagamento da subvención ata a data na que se acorde a procedencia do reintegro, no suposto de incumprimento das condicións establecidas para a súa concesión, nos casos previstos no Título II da Lei 9/2007, de subvencións de Galicia.



- Facer constar expresamente a colaboración prestada por GAIN, en todo o material de execución das actividades do convenio coa utilización do seu correspondente logotipo identificativo.

2. CSG dá consentimento expreso á GAIN para:

a) O tratamento necesario dos datos relevantes deste convenio e a súa publicación na páxina web da Axencia Galega de Innovación e no Diario Oficial de Galicia, coas excepcións previstas no artigo 15.2º d) da Lei 9/2007, do 13 de xuño, de subvencións de Galicia.

b) Incluír e facer público, a través do Portal de Transparencia e Goberno aberto e nos rexistros regulados polo Decreto 132/2006, do 27 de xullo, polo que se regulan os rexistros públicos de axudas, subvencións e convenios e sancións, os datos referidos ás axudas e subvencións recibidas ao abeiro do presente convenio.

c) O cumprimento do disposto no artigo 20 da Lei 38/2003, do 17 de novembro, xeral de subvencións, polo que a información relativa ao convenio requirida no ordinal oitavo do devandito artigo será comunicada á Base de datos nacional de subvencións (BDNS).

3. Os asinantes do convenio manifestan o seu consentimento para que os seus datos persoais que consten no convenio, e máis o resto de especificacións contidas no mesmo, poidan ser publicados no Portal de Transparencia e Goberno Aberto.

4. A sinatura do convenio comportará a autorización ao órgano xestor para consultar as certificacións que deban emitir a Axencia Estatal da Administración Tributaria, a Tesouraría Xeral da Seguridade Social e a consellería competente en materia de facenda da Xunta de Galicia segundo o establecido no artigo 20.3 da Lei 9/2007, do 13 de xuño. Non obstante, a entidade beneficiaria poderá opoñerse á consulta polo órgano xestor, e nese caso deberá presentar as certificacións nos termos previstos regulamentariamente.

QUINTA.– Condicións de pagamento.

1. Conforme ao estipulado no artigo 60 e 62 do Decreto 11/2009, de 8 de xaneiro, polo que se aproba o regulamento da Lei 9/2007, de 13 de xuño, de subvencións de Galicia, GAIN, efectuará o pagamento anualmente da cantidade estipulada no convenio a CSG, previa comprobación da



realización do obxecto do convenio e validada a documentación xustificativa presentada en GAIN, conforme o sinalado a continuación:

	ANO 2023	ANO 2024	ANO 2025	TOTAL
Orzamento total	40.200,00	99.900,00	150.000,00	290.100,00
Axuda GAIN	32.350,00	75.000,00	120.650,00	228.000,00
Período de realización de gastos e pagos	Dende sinatura do convenio ata 15/12/2023	16/12/2023 31/10/2024	01/11/2024 31/10/2025	
Data límite presentación documentación xustificativa	20/12/2023	12/11/2024	12/11/2025	

2. En todo caso, só se considerará gasto realizado o que fose efectivamente pagado durante o período de execución, sempre que se respecten os prazos de pagamento previstos na normativa sectorial que lle sexa de aplicación ou, na súa falta, nos establecidos na Lei 3/2004, do 29 de decembro, pola que se establecen medidas de loita contra a morosidade nas operacións comerciais, en aplicación da Lei 18/2022, do 28 de setembro, de crecemento e creación de empresas.

3. Exceptúanse desta regra xeral aqueles gastos cuxos pagamentos deban efectuarse nun momento posterior por se axustaren aos calendarios de recadación, como os ingresos á conta do IRPF ou cotas de seguros sociais liquidables con posterioridade á data de xustificación. A entidade subvencionada quedará obrigada a presentar os documentos acreditativos do seu pagamento antes de finalizar o mes seguinte ao que o beneficiario lle corresponda liquidar eses gastos.

4. De non xustificar o importe total das actuacións desenvolvidas, GAIN, minorará a súa achega proporcionalmente, sempre e cando se acadara o obxecto do presente convenio.

5. Para a xustificación de cada pagamento, CSG achegará a documentación que se relaciona na cláusula seguinte acompañada dun informe/memoria das actividades desenvolvidas.



6. O pagamento realizarase unha vez comprobada a axeitada xustificación da subvención conforme co artigo 30 da Lei de subvencións de Galicia.

7. Por resolución motivada de GAIN, previa solicitude debidamente xustificada de CSG, poderán autorizarse pagos anticipados de ata o 60% do importe do convenio naqueles casos en que o investimento esixa pagamentos inmediatos de acordo co artigo 63 do Decreto 11/2009. Estes anticipos non poderán superar a anualidade prevista en cada exercicio orzamentario. Para a primeira anualidade, poderase solicitar ata o 100% do importe acordado para este período. Segundo o artigo 62 do Decreto 11/2009, a suma dos pagos a conta e dos anticipos non poderá ser superior ao 80% da porcentaxe subvencionada correspondente aos pagamentos xustificadas, nin excederá a anualidade prevista en cada exercicio orzamentario.

Se CSG quixera solicitar o anticipo, deberá presentar a solicitude no modelo do anexo III e deberá achegar a seguinte documentación complementaria:

- Declaración do conxunto de axudas solicitadas ou concedidas para o mesmo fin, de todas as administracións públicas.
- Certificación bancaria actualizada onde se materializará o pago.

En todo caso, a solicitude do anticipo deberá cursarse non seguintes prazos:

1ª anualidade: dende a data de sinatura do convenio ata o 15 de decembro de 2023.

2ª anualidade: dende o fin do prazo da primeira anualidade ata o 30 de abril de 2024.

3ª anualidade: dende o fin do prazo da segunda anualidade ata o 30 de abril de 2025.

Os anticipos da 2ª e 3ª anualidade pagaranse tras a revisión por parte de GAIN da xustificación da anualidade correspondente. No caso de que a xustificación da anualidade sexa insuficiente e dea lugar a unha minoración da subvención, detraerase do importe para pagar, de ser o caso, no anticipo seguinte.

8. A realización dos citados pagamentos parciais á conta e anticipados, está exenta da constitución de garantías polo Consello da Xunta de Galicia conforme ao disposto no artigo 67.4 do Decreto 11/2009, do 8 de xaneiro, polo que se aproba o Regulamento da Lei 9/2007, do 13 de xuño, de subvencións de Galicia.



SEXTA.– Forma de xustificación.

1. Como documentación xustificativa da realización das actividades do convenio e con arranxo ao sinalado no artigo 48 do Decreto 11/2009, CSG deberá presentar:

- Unha Memoria de actuación xustificativa do cumprimento de cada unha das actuacións obxecto do convenio. Presentarase un informe final detallado para cada unha das actuacións con indicación do cumprimento respecto ao planificado e os resultados obtidos, no seu caso, achegando un exemplar da documentación elaborada acompañada dunha copia en formato CD ou USB, así como calquera entregable, material gráfico, folleto ou fotografías que se obteña no desenvolvemento de cada actividade.
- Memoria económica da aplicación dos fondos destinados ao convenio, na que conste:
 - A) Unha relación clasificada dos gastos e investimentos de cada actividade, con identificación do concepto de gasto, acredor e do documento, o seu importe, data de emisión e data de pagamento.
 - B) Documentación xustificativa do investimento: os gastos xustificaranse con facturas e demais documentos de valor probatorio equivalente no tráfico xurídico-mercantil ou con eficacia administrativa pagados, en orixinal ou copias auténticas electrónicas.
 - Cando o beneficiario non dispoña de facturas electrónicas para a xustificación da subvención, deberá achegar unha copia autentica electrónica dos documentos orixinais en papel, de acordo cos procedementos que establece a normativa vixente.
 - Con todo no presente procedemento, admitiranse os documentos en papel ou copias debidamente compulsadas debido a circunstancias funcionais e/ou tecnolóxicas derivadas da implantación progresiva por parte da Administración Xeral da Comunidade Autónoma en relación á organización da emisión das copias auténticas electrónicas.
 - C) Os documentos acreditativos dos gastos realizados a través de gastos de persoal ou recursos propios, sempre que sexan realizados dentro do período de vixencia do convenio, debendo xustificar a necesidade de intervención do persoal nestas actuacións no momento da presentación de gastos e a indicación, no seu caso, dos criterios de repartición dos custos xerais incorporados na relación á que se fai referencia na letra A).



- D) Documentación xustificativa do pagamento: orixinal ou copia auténtica electrónica de transferencias bancarias, certificacións bancarias ou extractos bancarios, ou documentos obtidos a través da banca electrónica sempre que conten co selo do banco. En ningún caso admitiranse os pagamentos xustificados mediante recibo do provedor. Nestes documentos deberán estar claramente identificados o receptor e o emisor do pagamento, o número e a satisfacción do importe total da factura (IVE incluído), así como o concepto a que se refiren. No caso en que no documento de pagamento non se faga referencia ás facturas, deberá ir acompañado da documentación complementaria que permita verificar a correspondencia entre gasto e pagamento. No caso en que un xustificante de pagamento inclúa varias facturas, achegarse unha relación detallada das mesmas na que se poida apreciar que o pagamento se corresponda coas ditas facturas.
- E) Sen prexuízo do indicado nos puntos anteriores, no caso de custos de recursos propios (gastos xerais) xustificaranse ademais cunha memoria detallada das imputacións dos mesmos á actividade correspondente. A memoria irá acompañada dunha certificación asinada polo responsable da entidade e das correspondentes facturas ou documentos de valor probatorio equivalente.
- F) No caso de custos de persoal:
- Certificación dos custos de persoal emitida polo responsable de recursos humanos co visto e praxe do responsable de CSG, consistente nunha relación detallada, por meses, do persoal dedicado ás actividades obxecto do convenio, que deberá incluír os seguintes datos: DNI, nome, apelidos, posto na entidade, retribución bruta e líquida mensual, data de pagamento das retribucións, importe da Seguridade Social con cargo a entidade, data de pagamento da Seguridade Social e custo total imputado (retribucións e seguridade social) segundo a dedicación de cada traballador ás actividades do convenio.
 - Copia das nóminas do persoal adicado ás actividades do convenio e orixinal ou copia cotexada dos xustificantes bancarios do seu pagamento. Nos xustificantes de pagamento das nóminas deberán vir detallados os seus receptores, así como as cantidades percibidas por cada un deles. Cando a documentación xustificativa deste gasto conste dun xustificante bancario da remesa total mensual, deberá achegarse a



listaxe da orde de transferencia en que se detallen os distintos traballadores incluídos, que deberá estar selada pola entidade bancaria.

- Boletíns de cotización á Seguridade Social e os seus xustificantes de pagamento (orixinal ou copia cotexada).

- G) No suposto de que o importe do IVE supoña un custo real soportado, poderá ser considerado un gasto subvencionable só para os casos en que o seu importe non sexa recuperable total ou parcialmente. Neste caso, deberase presentar un certificado relativo á situación da entidade con respecto ao IVE, de exención ou rateo.
- H) Tres ofertas de diferentes provedores cando o importe do gasto subvencionable, no caso de adquisición de bens de equipo e contratación de servizos ou subministracións e materiais, iguale ou supere os 15.000 euros no global do proxecto cun mesmo provedor. Cando polas especiais características dos gastos non exista no mercado suficiente número de entidades que o presten ou subministren, deberá achegarse unha xustificación de tal circunstancia. Se a elección entre as ofertas presentadas non tivese recaído na proposta económica máis vantaxosa, deberá achegarse unha memoria xustificativa.
- I) Carta de pagamento de reintegro no suposto de remanentes non aplicados, así como os xuros derivados destes, conforme ao establecido no artigo 48.2.g) do Decreto 11/2009, do 8 de xaneiro.

2. Así mesmo, deberá presentar:

- a) Certificacións que acrediten que se atopa ao corrente das súas obrigas tributarias e fronte á Seguridade Social e que non ten pendente de pagamento ningunha outra débeda coa Administración Pública da Comunidade Autónoma, en cumprimento do artigo 31.7 da Lei 9/2007, de 13 de xuño, de subvencións de Galicia, no caso de que o beneficiario se opoña a consulta polo órgano xestor.
- a) Declaración responsable de non estar incurso en ningunha das prohibicións para a obtención de subvencións contempladas no artigo 10 da Lei 9/2007, de 13 de xuño, de subvencións de Galicia.



- b) Declaración complementaria das axudas solicitadas, tanto as aprobadas ou concedidas como as pendentes de resolución, para a mesma finalidade, das distintas administracións públicas competentes ou dos seus organismos ou sociedades. De ser o caso, deberá achegarse unha copia simple da resolución da concesión desas outras axudas.

3. GAIN resérvase o dereito a solicitar toda a documentación que considere precisa, en relación coa xustificación do cumprimento do obxecto do convenio.

4. CSG presentará toda a documentación de xeito electrónico a través do procedemento PR004A-Presentación electrónica de solicitudes, escritos e comunicacións que non contén cun sistema electrónico específico nin cun modelo electrónico normalizado, a través da sede electrónica da Xunta de Galicia (<https://sede.xunta.gal/tramites-e-servizos/solicitud-xenerica>), cubrindo o modelo de solicitude xenérica e presentando a documentación como arquivos anexos á dita solicitude con indicación da referencia CVGAIN_CSG_2023 no asunto. A solicitude deberá dirixirse á Axencia Galega de Innovación dentro da Consellería de Economía, Industria e Innovación. Pola súa parte, GAIN realizará calquera requirimento por escrito a través do Sistema de notificacións de Galicia-Notifica.gal

SÉTIMA.- Compatibilidade con outras axudas

A subvención concedida será incompatible con outras axudas ou subvencións para as mesmas actividades, xa que financian o máximo permitido dos custos subvencionables obxecto do convenio, conforme co establecido no Regulamento (UE) 651/2014 da Comisión, do 17 de xuño de 2014, artigos 27 e 28.

OITAVA.- Seguimento e evolución do convenio

1. Para garantir a correcta execución e seguimento do pactado neste convenio, constituirase unha Comisión de Seguimento e Coordinación integrada por dous representantes de GAIN, un deles actuará como presidente, e dous representantes de CSG, designados a tal efecto por cada parte.

2. Son funcións da Comisión de Seguimento e Coordinación as seguintes:



- Realizar o seguimento das actuacións do convenio.
- Propor solucións aos conflitos que puideran xurdir na aplicación e interpretación das cláusulas do convenio.
- Propor a GAIN variacións entre os importes asignados ás diferentes actuacións subvencionables recollidas no orzamento do convenio (Anexo II), que supoñan minoracións en algunha das actuacións subvencionables superiores ao 10% da previsión inicial, para adecualos á execución do convenio e sempre e cando estas variacións non supoñan un incremento do importe da subvención prevista para cada anualidade nin da subvención total.
- As que sexan precisas para garantir a correcta execución do convenio.

3. A Comisión reunirse as veces que sexan precisas á solicitude de calquera das partes asinantes.

4. Esta Comisión rexerase en canto a súa constitución, funcionamento e adopción de acordos pola normativa vixente en materia de órganos colexiados regulada na sección 3ª.do capítulo primeiro do Título I da Lei 16/2010, do 17 de decembro, de organización e funcionamento da Administración Xeral e do sector público autonómico de Galicia.

NOVENA.- Control

1. GAIN poderá realizar as actividades de inspección que considere oportunas para controlar o cumprimento da subvención.

2. En todo caso, as subvencións estarán sometidas á función interventora e de control financeiro exercido pola Intervención Xeral da Comunidade Autónoma, nos termos que establece o título III da Lei 9/2007, do 13 de xuño de subvencións de Galicia. Así mesmo, estará sometida ás actuacións de comprobación previstas na lexislación do Tribunal de Contas e do Consello de Contas.



DÉCIMA.- Alteración das actuacións.

1. A petición de CSG e previo informe favorable da comisión de seguimento prevista no convenio, GAIN poderá autorizar variacións entre os importes asignados a cada unha das actuacións subvencionables recollidas no orzamento do convenio (Anexo II), sempre e cando estas variacións non supoñan un incremento do importe da subvención prevista para cada anualidade nin da subvención total.
2. Toda alteración nas accións a realizar, agás as sinaladas no parágrafo anterior, deberán ser obxecto de autorización por GAIN e formalizárase mediante a correspondente addenda ao presente convenio, consonte ou artigo 35 do Decreto 11/2009, do 8 de xaneiro, polo que se aproba o Regulamento da Lei 9/2007, do 13 de xuño, de subvencións de Galicia.
3. O convenio poderá ser modificado coa finalidade de lograr os obxectivos de estabilidade orzamentaria e sustentabilidade financeira da Comunidade Autónoma de Galicia. As devanditas modificacións terán por obxecto a redución do volume das actuacións a desenvolver por CSG ou a ampliación do prazo de execución.

DÉCIMO PRIMEIRA.- Inexistencia de relación laboral.

A subscrición do presente convenio, non implicará relación laboral, contractual ou de calquera outro tipo entre os profesionais que vaian a desenvolver as actuacións obxecto deste convenio con GAIN, de tal xeito que non se lle poderá esixir a esta Axencia responsabilidade ningunha, nin directa nin subsidiariamente, polos actos ou feitos acaecidos no desenvolvemento do mesmo.

DÉCIMO SEGUNDA.- Autonomía do beneficiario

CSG manterá a súa autonomía respecto da Administración, o que supón que, a pesar de que a súa actividade favorece o interese xeral, a Administración non percibe a cambio da súa entrega unha vantaxe ou beneficio que afecte de forma directa a aquelas actividades que a Administración debe asumir como propias no exercicio de competencias que as normas lle atribúen. Deste xeito, CSG será propietario intelectual dos traballos resultantes, co



compromiso de poñelos a disposición de todas as empresas do sector biotecnolóxico de Galicia de forma indiscriminada.

DÉCIMO TERCEIRA.- Resolución

1. Serán causas de resolución do presente convenio procedendo ao reintegro, total ou parcial, da axuda percibida e dos xuros de mora correspondente dende o momento do pagamento da subvención ata a data na que se acorde a procedencia do reintegro, as determinadas no artigo 33 da Lei 9/2007, do 13 de xuño.

2. En especial, son causas de resolución do presente convenio as seguintes:

- A desviación dos fondos outorgados para outra finalidade distinta da sinalada neste convenio.
- O incumprimento da obriga da xustificación do investimento realizado.
- O incumprimento de calquera outra das cláusulas establecidas no convenio
- O transcurso do tempo estipulado sen que se desenvolva o mesmo.
- O acordo mutuo das partes.
- O incumprimento total dos fins/obxectivos do convenio, determinado a través dos mecanismos de seguimento e control, da realización do investimento financiable ou da obriga de xustificación, serán causa de perda do dereito ao cobramento ou de reintegro total da subvención.

3. Considerarase igualmente como incumprimento total a xustificación de menos do 50% do gasto subvencionable recollido no anexo II do convenio, coas consecuencias previstas no paragrafo anterior.

4. No caso de que se xustifique un gasto subvencionable inferior ao recollido no anexo II, pero igual ou superior ao 50% daquel, considerarase a existencia dun incumprimento parcial e dará lugar á perda do dereito ao cobramento da subvención na porcentaxe correspondente ao gasto ou investimento non xustificada.



5. O incumprimento parcial dos fins/obxectivos do convenio dará lugar á perda do dereito ao cobramento ou ao reintegro parcial da subvención na porcentaxe que se determine nos informes de seguimento.

DÉCIMO CUARTA.- Natureza e resolución de conflitos

1. O presente convenio ten carácter administrativo e asínase ao abeiro dos artigos 19.4 e 26 da Lei 9/2007, de 13 de xuño, de Subvencións de Galicia, rexéndose para os seus efectos polo establecido nas súas cláusulas e polas previsións do Decreto 11/2009, de 8 de xaneiro, polo que se aproba o regulamento do citado texto legal.

2. GAIN ostentará as potestades específicas derivadas da relación xurídica subvencionadora. Os actos ditados en exercicio das devanditas potestades serán de coñecemento e competencia da Orde Xurisdiccional do Contencioso-Administrativo.

3. As axudas obxecto do presente convenio están dirixidas á realización de actividades de I+D+i sen ánimo de lucro por parte dunha agrupación empresarial innovadora, que á súa vez cumpre coa condición de peme, segundo as definicións recollidas no Regulamento (UE) 651/2014 da Comisión. Este programa de actividades redundará no beneficio de todas as empresas do sector biotecnolóxico, especialmente do sector sanitario e da saúde, dun xeito indiscriminado sen que supoña beneficio económico para CSG, polo que cumpre normativa europea de aplicación.

4. O obxectivo é estimular a actividade investigadora mediante o intercambio de coñecementos, a contribución efectiva á transferencia de coñecemento, a difusión de información e a colaboración entre as empresas e outras organizacións da agrupación.

DÉCIMO QUINTA.- Vixencia do convenio

O presente convenio estará vixente desde a data da súa sinatura ata o 30 de novembro de 2025.

E en proba de conformidade, asinan o presente Convenio, na data da sinatura electrónica.



A presidenta da Axencia Galega de Innovación
e conselleira de Economía, Industria e
Innovación da Xunta de Galicia,

A presidenta do Clúster Saúde de Galicia,

María Jesús Lorenzana Somoza

María Rocío Mosquera Álvarez



ANEXO I - FICHAS DE ACTUACIÓNS A REALIZAR NO CONVENIO CSG | GAIN 2023 – 2025

As actuacións para levar a cabo por CSG en colaboración con GAIN son as seguintes:

Actuación 1. Potenciar a capacidade de innovación do clúster e os servizos innovadores que presta aos seus asociados e ao conxunto do ecosistema biotech de Galicia.

Estas actividades corresponderanse con servizos de apoio e asesoramento en materia de innovación, polo que soamente serán subvencionables custos externos. Levaranse a cabo as seguintes actuacións:

- Acción 1.1. Homologarase o clúster como Agrupación Empresarial Innovadora polo Ministerio de Comercio, Turismo e Industria, un fito que permitirá incrementar os axentes acreditados en Galicia e dará acceso ás convocatorias de financiamento deste Ministerio onde participan asociados e a agrupación industrial.
- Acción 1.2. Crearanse novos servizos orientados a mellorar o posicionamento internacional da biorexión enfocados á identificación e adopción, a través de formación e investigación de mercados e tecnoloxías, de mellores prácticas en transferencia e cooperación público-privada.
- Acción 1.3. Crearanse servizos innovadores para financiar actuacións de demostración e innovación, especialmente entre pemes e investigadores para fomentar a transferencia. Para iso, promoveranse consorcios e captación de financiamento europeo que permita a súa posta en marcha.
- Acción 1.4. Porase en marcha un servizo de proba nos *Living Labs* de Galicia que permita a certificación de produtos innovadores a través destas infraestruturas. Isto permitirá un uso máis profesional destes e por tanto, unha oportunidade para levar novos produtos e servizos ao mercado. A actividade consistirá, dunha parte, na implantación de protocolos que outorguen maior validez aos test realizados nos Living Labs, e doutra parte, definirase un novo servizo para usar os Living Labs como catalizador da transferencia de tecnoloxía.



Actuación 2. Reforzo do rol do CSG na dinamización e seguimento do subsector biotecnolóxico aplicado a saúde, para o que se levarán a cabo dinámicas no funcionamento da agrupación para fomentar estes ámbitos. En concreto:

- Acción 2.1. Crearanse accións e campañas de comunicación e difusión para dar a coñecer as capacidades dos axentes biotech-saúde, así como as oportunidades de transferencia e colaboración entre estes, tendo en conta os catalizadores existentes en cada período, como son: misións comerciais, feiras, lanzamento de novos servizos da agrupación industrial, convocatorias de axudas etc.
- Acción 2.2. Involucrarse activamente ao clúster no seguimento da Estratexia de Consolidación da Biotecnoloxía en Galicia co fin de aliñar as oportunidades biotech coa estratexia galega de saúde, participando tanto na recompilación de fitos e definición da folla de ruta para os próximos anos.
- Acción 2.3. Promoverase a participación do clúster e a difusión das capacidades bio de Galicia en foros e eventos de relevancia nacional e internacional.

A continuación detállanse os orzamentos e o alcance de cada unha das actuacións:

Acción 1.1	Acreditación como agrupación de empresas innovadoras estatal			
Obxectivo	Obtención da acreditación e homologación como AEI polo MINCOTUR			
Tarefas	Elaboración da memoria do clúster para a solicitude e obtención da inscrición no rexistro de Agrupacións Empresariais Innovadoras.			
Impactos cualitativos esperados	Obtención de financiamento para o clúster e a actividade dos seus asociados no relativo a actuacións innovadoras. Maior prestixio do clúster e do ecosistema galego a nivel nacional.			
Indicadores cuantitativos	Elaboración dos puntos principais do Plan Estratéxico e obtención do certificado			
Entregable	Certificado AEI			
Orzamento	2023	2024	2025	Total
	11.500,00 €	3.000,00 €	- €	14.500,00 €



Acción 1.2	Vixilancia tecnolóxica e de mercados para incrementar as capacidades de transferencia e dinamización do ecosistema
Obxectivo	Identificar oportunidades de innovación e comercialización de innovacións biotecnolóxicas noutros mercados internacionais, promovendo a colaboración a tal fin con outras biorexións de referencia no subsector biotech saúde tanto nos ámbitos de transferencia de coñecemento como na capacidade de desenvolver produtos, servizos e procesos innovadores en Galicia.
Tarefas	Realizaranse estudos sobre as capacidades doutras rexións de referencia en biotech-saúde cunha perspectiva ampla en canto aos diferentes elos da cadea de I+D+i e empresas, co fin de identificar servizos que poida ofrecer o clúster o máis adaptado aos casos de éxito doutras rexións e sectores pero coas características do noso ecosistema. Analizaranse as capacidades de transferencia do ecosistema, así como a dinamización posible dos axentes de saúde pública de Galicia. En concreto, estudaranse e asesorarase en como favorecer a creación de redes que dean soporte a estas necesidades transversais que engloban a investigadores e empresas, conxugando as posibilidades da rexión para producir e comercializar innovación, coas oportunidades de ser un gran <i>living lab</i> xerador de talento para as entidades de fóra de Galicia. Complementaranse as accións de estudo coa realización de misións enfocadas ao coñecemento in situ das experiencias doutros axentes internacionais. Basearase na experiencia do clúster en organizar as LEX – Learning Expeditions, enfocándoas ás necesidades da biotecnoloxía en Galicia. A modo de referencia, suxírense as rexións de Xapón ou Escocia.
Impactos cualitativos esperados	Establecer acordos de colaboración en transferencia de coñecemento así como en I+D+i, mellorar o coñecemento do potencial galego para a internacionalización das súas solucións innovadoras e/ou participación conxunta en proxectos innovadores.
Indicadores cuantitativos	- Informe de prospectiva dos hubs máis relevantes do sector bio-saúde



	- Realizaranse 4 LEX - Mapa de capacidades e oportunidades de crecemento en Galicia			
Entregable	Informe de cada unha das tarefas			
Orzamento	2023	2024	2025	Total
	- €	15.000,00 €	45.000,00 €	60.000,00 €

Acción 1.3	Financiamento de novas iniciativas cooperativas			
Obxectivo	Captación de financiamento non rexional para as actividades innovadoras levadas a cabo polas entidades galegas, especialmente empresas			
Tarefas	Promoveranse consorcios ou proxectos (principalmente europeos) que permitan favorecer a transferencia de coñecemento, a innovación, o emprendemento tecnolóxico ou o crecemento das pemes a través de, por exemplo, convocatorias de financiamento en cascada, CSA, IA etc.			
Impactos cualitativos esperados	Facilitar un portelo único ao ecosistema galego de saúde sobre diferentes convocatorias de interese fomentando a colaboración entre axentes.			
Indicadores cuantitativos	Presentación de polo menos 2 propostas completas a convocatorias europeas			
Entregable	Resumo e evidencia de expedientes presentados			
Orzamento	2023	2024	2025	Total
	- €	15.000,00 €	30.000,00 €	45.000,00 €

Acción 1.4	Novos servizos de validación de tecnoloxías nos Living Labs			
Obxectivo	Aumentar a capacidade de Galicia para crear, validar e certificar produtos e servizos na biotech saúde aproveitando as capacidades dos Living Labs (LLs). Implantaranse metodoloxías que permitan: usar os resultados de testeos nos LLs para certificar produtos e tecnoloxías, favorecer a colaboración entre LLs para aumentar os cohortes requiridos en			



	certificación, e empregar estes LLs para elevar o nivel tecnolóxico de coñecemento xerado nos organismos de investigación de Galicia.			
Tarefas	Definición e posta en marcha de protocolos que permitan a recollida de datos e explotación para certificacións sobre usos médico-sanitarios nos living labs. Definición de mecanismos para o traballo en rede dos LLs co fin de aumentar os cohortes, o intercambio de boas prácticas e/ou formación de consorcios para o desenvolvemento de testeos. Identificar tecnoloxías en TRL5 ou superior que poidan ser máis facilmente transferidos tras a súa validación nos LLs. Para iso será necesario definir as necesidades destas tecnoloxías e os seus promotores para definir un novo servizo de acompañamento .			
Impactos cualitativos esperados	Informe anual sobre a mellora de testeos e pilotaxes. Informe sobre indicadores para medir o impacto desta acción.			
Indicadores cuantitativos	Mellora dos protocolos e capacidade de testeo dos LLs galegos.			
Entregable	Despregue de polo menos un protocolo Realización de polo menos 2 probas de solucións en base á nova metodoloxía			
Orzamento	2023	2024	2025	Total
	13.000,00 €	17.100,00 €	16.300,00 €	46.400,00 €

No relativo ás actuacións de funcionamento do clúster (actuación 2):

Acción 2.1	Comunicación e difusión de oportunidades e capacidades de innovación a través do clúster
Obxectivo	Visibilizar as capacidades e oportunidades de colaborar e investir en biotecnoloxía sanitaria en Galicia ante as entidades rexionais, nacionais e internacionais, coa finalidade de fomentar a transferencia tecnolóxica e a



	explotación comercial de produtos, servizos e procesos innovadores en ámbitos onde existen oportunidades para os axentes galegos.
Tarefas	Utilizaranse os mecanismos de divulgación actuais do clúster para incrementar as publicacións relativas á biotecnoloxía. En concreto, utilizaranse as redes sociais, e as dúas iniciativas propias: - CSG Connect: CSG Connect é un sistema integral de comunicación interna no que explicamos en detalle as oportunidades que hai no sector para a #ComunidadCSG, incentivamos un ecosistema activo e proactivo imprescindible para que se dean sinerxias, e rexistramos todas as novidades e necesidades dos nosos socios para poder prestarlles un mellor servizo. - Kit Saude: O Espazo KIT (Knowledge, Innovation and Technology) Saúde é unha iniciativa impulsada polo Cluster Saúde de Galicia. Os seus principais obxectivos son: transmitir coñecemento aplicable á actividade doutros socios do CSG, promover o achegamento entre os socios, xerar networking e identificar oportunidades de negocio no sector da saúde. Difundiranse as accións participativas postas en marcha a través do convenio e outras que leve a cabo o clúster, comunicaranse as convocatorias de financiamento público que sexan de interese para os axentes. Ademais, crearanse contidos novos que poidan ser difundidos por CSG e GAIN. En concreto, reportaxes sobre casos de éxito de tecnoloxías, coñecemento e innovacións introducidas no mercado, así como dossieres sobre as novas accións postas en marcha a través deste convenio (por exemplo, servizos de proba nos Living Labs)
Impactos cualitativos esperados	Mellor coñecemento do potencial do ecosistema e o coñecemento entre as entidades de cara a futuras colaboracións e/ou iniciativas a impulsar Mellor coñecemento do estado da arte das entidades representativas do subsector. Facilitar un altofalante e un portelo único ao ecosistema galego de saúde



	sobre diferentes accións da agrupación e convocatorias de interese.			
Indicadores cuantitativos	10 convocatorias para pemes do sector difundidas. 10 reportaxes imprimibles e/ou vídeos sobre casos de éxito de I+D+i galegos (multilingües). 6 boletíns CSG Connect con información relativa á bio-saúde. 2 Kit Saúde dedicados a biotecnoloxía.			
Entregables	○ Folla de ruta para o posicionamento da industria galega do sector saúde ○ Dossier trimestral de actuacións de difusión nos distintos medios de comunicación e accións relacionadas. ○ Dossier trimestral de convocatorias de financiamento público difundidas ao ecosistema. ○ Reportaxes de casos de éxito de biotech saúde.			
Orzamento	2023	2024	2025	Total
Servizos e subcontratación	- €	5.000,00 €	5.000,00 €	10.000,00 €
Persoal	5.000,00 €	7.000,00 €	7.000,00 €	19.000,00 €

Acción 2.2	Seguimento da Estratexia Biotech
Obxectivo	Participar activamente na Estratexia de Consolidación da Biotecnoloxía en Galicia a través do apoio no seguimento dos fitos dos axentes do subsector de saúde para realizar balances anuais, así como nos comités e accións necesarias para o seu consenso de resultados e accións futuras, así como difusión desta.
Tarefas	Recompilarase e xestionará a información sobre os fitos e actividades dos subsectores biotech saúde para a súa consolidación posterior no balance estratéxico. Realizaranse entrevistas cos axentes de maior representatividade das



	capacidades actuais e potenciais do sector para identificar propostas de mellora que poidan ser dinamizadas ao amparo da Estratexia de Consolidación da Biotecnoloxía.			
Impactos cualitativos esperados	Mellor coñecemento da evolución do sector biotech-saúde e das entidades galegas. Incremento da colaboración entre entidades públicas e privadas.			
Indicadores cuantitativos	Reunións estratéxicas con 15 entidades. 4 Informes (un ao semestre)			
Entregable	Fichas recompilatorias de fitos e indicadores da Estratexia. Informes semestrais de entrevistas realizadas e fitos destacados.			
Orzamento	2023	2024	2025	Total
Servizos e subcontratación	- €	5.000,00 €	8.000,00 €	13.000,00 €
Persoal	3.000,00 €	5.000,00 €	5.000,00 €	13.000,00 €

Acción 2.3	Presenza internacional dos axentes e prioridades galegas
Obxectivo	Aumentar a presenza dos axentes de saúde galegos nos foros estratéxicos nacionais/ internacionais e mesmo transectoriais para mellorar a capacidade de aliñar as prioridades e capacidades do ecosistema con tendencias globais
Tarefas	Organización e seguimento de reunións bilaterais entre a Comisión Europea ou os seus organismos dependentes e Galicia para a identificación e presentación de capacidades e prioridades na I+D+i galegas co fin de influír tanto fóra como na propia rexión. Apoio á representación do ecosistema de saúde galego en redes internacionais (ECHAlliance, TIM, MOIC, Biorexións, etc). Organización da participación como delegación Galicia Biohealth I+D+i en feiras/summits de impacto internacional (Mobile/Websummit/Arab Health/BioEurope/Slush/HIMMS ou outros)
Impactos	Mellora da capitalización dos resultados de I+D+i e a súa escalabilidade a



cualitativos esperados	mercados internacionais. Mellora da visión de negocio da entidades de investigación e a súa preparación para a presentación de resultados en eventos de negocio con público máis relacionado co investimento e compra privada.			
Indicadores cuantitativos	- 1 reunión con representantes da Comisión Europea ou en evento de calado internacional. - 2 participacións como delegación Galicia Biohealth			
Entregables	Reporte de actividades			
Orzamento	2023	2024	2025	Total
Servizos e subcontratación	- €	5.000,00 €	5.000,00 €	10.000,00 €
Persoal	1.000,00 €	6.150,00 €	3.700,00 €	10.850,00 €



ANEXO II

		2023	2024	2025	Total
TOTAL ORZAMENTO		40.200,00 €	99.900,00 €	150.000,00 €	290.100,00 €
TOTAL AXUDA		32.350,00 €	75.000,00 €	120.650,00 €	228.000,00 €
ACHEGA CSG		7.850,00 €	24.900,00 €	29.350,00 €	62.100,00 €
Conceptos					
Acción 1.1	Servizos externos	11.500,00 €	3.000,00 €	- €	14.500,00 €
Acción 1.2	Servizos externos	- €	15.000,00 €	45.000,00 €	60.000,00 €
Acción 1.3	Servizos externos	- €	15.000,00 €	30.000,00 €	45.000,00 €
Acción 1.4	Servizos externos	13.000,00 €	17.100,00 €	16.300,00 €	46.400,00 €
Subtotal Actuación 1	Custos directos	24.500,00 €	50.100,00 €	91.300,00 €	165.900,00 €
	Axuda (100%)	24.500,00 €	50.100,00 €	91.300,00 €	165.900,00 €
Acción 2.1	Servizos e subcontratación	- €	5.000,00 €	5.000,00 €	10.000,00 €
	Persoal	5.000,00 €	7.000,00 €	7.000,00 €	19.000,00 €
Acción 2.2	Servizos e subcontratación	- €	5.000,00 €	8.000,00 €	13.000,00 €
	Persoal	3.000,00 €	5.000,00 €	5.000,00 €	13.000,00 €
Acción 2.3	Servizos e subcontratación	- €	5.000,00 €	5.000,00 €	10.000,00 €
	Persoal	1.000,00 €	6.150,00 €	3.700,00 €	10.850,00 €
Subtotal Accións 2	Servizos e subcontratación	- €	15.000,00 €	18.000,00 €	33.000,00 €
	Persoal	9.000,00 €	18.150,00 €	15.700,00 €	42.850,00 €
Subtotal Actuación 2	Custos directos	9.000,00 €	33.150,00 €	33.700,00 €	75.850,00 €
	Axuda (50%)	4.500,00 €	16.575,00 €	16.850,00 €	37.925,00 €
Total custos directos		33.500,00 €	83.250,00 €	125.000,00 €	241.750,00 €
Subtotal custos indirectos	20% de custos directos	6.700,00 €	16.650,00 €	25.000,00 €	48.350,00 €
Axuda custos indirectos (50%)		3.350,00 €	8.325,00 €	12.500,00 €	24.175,00 €
		2023	2024	2025	Total
TOTAL ORZAMENTO		40.200,00 €	99.900,00 €	150.000,00 €	290.100,00 €
TOTAL AXUDA		32.350,00 €	75.000,00 €	120.650,00 €	228.000,00 €
ACHEGA CSG		7.850,00 €	24.900,00 €	29.350,00 €	62.100,00 €



ANEXO III

Dona María Rocío Mosquera Álvarez, na súa condición de presidenta do Clúster Saúde de Galicia (en adiante CSG) con NIF G70308143 e sede na Avda. Fernando de Casas Novoa, núm. 37, edificio CNL, Portal A-B, 1º andar. San Lázaro, 15707 Santiago de Compostela (A Coruña), actuando en representación desta en uso das atribucións que lle confire o artigo 12 dos Estatutos desta entidade e en virtude da aceptación do cargo de presidenta da data 29.06.2023.

MANIFESTA:

Que a antedita entidade subscribiu o Convenio de colaboración entre a Axencia Galega de Innovación e a Asociación Clúster Saúde de Galicia para a implementación dun plan de actividades para impulsar a innovación e a transferencia no tecido empresarial galego do sector saúde no período 2023-2025

A contía da axuda é:

ANUALIDADE 2023	ANUALIDADE 2024	ANUALIDADE 2025	TOTAL AXUDA
32.350,00	75.000,00	120.650,00	228.000,00

SOLICITA:

O pagamento anticipado do % da anualidade

MOTIVO DA SOLICITUDE DO ANTICIPO

DECLARA:

Ter iniciado ou estar continuando coas actividades do plan dende ou na data

ACHEGA A SEGUINTE DOCUMENTACIÓN:

☐ Declaración de axudas solicitadas ou concedidas.

☐ Certificación de titularidade da conta bancaria.

A identificación da conta bancaria onde farase o pagamento:

IBAN:

SINATURA DA PERSOA SOLICITANTE OU REPRESENTANTE

DATA

